



Na osnovu člana 234. tačka s) Zakona o privrednim društvima („Službene novine Federacije Bosne i Hercegovine“, broj: 81/15), tačke IX. Odluke Vlade Federacije BiH o pripremi izgradnje TE Tuzla blok 7 – 450 MW (Službene novine FBiH broj 13/10 i 25/10) i člana 62. tačka 24. Statuta Javnog preduzeća Elektroprivreda Bosne i Hercegovine d.d.-Sarajevo, broj SD-5211/16-38/2 od 29.03.2016. godine i broj SD-18295/18-51/5. od 19.07.2018. godine, Pedeset i druga (vanredna) Skupština Javnog preduzeća Elektroprivreda Bosne i Hercegovine d.d. – Sarajevo je dana 18.09.2018. godine donijela

ODLUKU
o davanju saglasnosti na prijedlog izbora Projektnog partnera za zajedničko ulaganje u
Projekat izgradnje Bloka 7 – 450 MW u TE Tuzla

Član 1.

Skupština Javnog preduzeća Elektroprivreda Bosne i Hercegovine d.d. – Sarajevo prihvata Završnu informaciju o izboru Projektnog partnera za zajedničko ulaganje u Projekat izgradnje Bloka 7 – 450 MW u TE Tuzla, broj NO-23422/2018-80./3.1. od 30.08.2018. godine i daje saglasnost na prijedlog izbora

Konzorcija China Gezhouba Group Company Ltd – CGGC, Narodna Republika Kina (lider konzorcija) i China Energy Engineering Group, Guangdong Electric Power Design Institute Co., Ltd– GEDI, Narodna Republika Kina (član Konzorcija)

za Projektnog partnera za zajedničko ulaganje u Projekat izgradnje Bloka 7 – 450 MW u TE Tuzla.

Član 2.

Odobravaju se uvjeti Sporazuma o projektnom partnerstvu kojeg će Javno preduzeće Elektroprivreda Bosne i Hercegovine d.d. – Sarajevo potpisati sa Projektnim partnerom i uvjeti Ugovora o inženjeringu, nabavci i izgradnji bloka 7 – 450 MW u TE Tuzla (EPC ugovor) broj 01-07-27673/2014 od 27.08.2014. godine sa aneksima 1. do 10. koje je Javno preduzeće Elektroprivreda Bosne i Hercegovine potpisalo sa Projektnim partnerom u okviru Faze III (Faza finalizacije) izbora Projektnog partnera.

Član 3.

Izmjene i dopune Sporazuma o projektnom partnerstvu i Ugovora o inženjeringu, nabavci i izgradnji bloka 7 – 450 MW u TE Tuzla (EPC ugovora) se može vršiti samo uz prethodnu pismenu saglasnost Nadzornog odbora JP Elektroprivreda Bosne i Hercegovine d.d. – Sarajevo, o čemu su Uprava i Nadzorni odbor Društva dužni, u okviru izvještaja o poslovanju JP Elektroprivreda BiH d.d. – Sarajevo, podnijeti Skupštini Društva izvještaj.

Član 4.

Ova Odluka stupa na snagu kumulativnim ispunjenjem slijedećih uvjeta:

- donošenje ove Odluke od strane Skupštine Društva,
- saglasnost Parlamenta Federacije Bosne i Hercegovine na izbor Projektnog partnera za zajedničko ulaganje u Projekat izgradnje Bloka 7 – 450 MW u TE Tuzla,
- donošenje Odluke Parlamenta Federacije BiH o davanju prethodne saglasnosti za kreditno zaduženje JP Elektroprivreda BiH d.d. – Sarajevo kod Izvozno-uvozne banke Kine za projekat izgradnje Bloka 7 – 450 MW u TE Tuzla,

- donošenje Odluke Parlamenta Federacije BiH o odobravanju Odluke Vlade Federacije BiH o izdavanju Garancije Federacije BiH u korist Izvozno-uvozne banke Kine za kreditno zaduženje JP Elektroprivreda BiH d.d. – Sarajevo.

Ovlašćuje se Izvršni direktor za kapitalne investicije da posebnim aktom konstatuje datum stupanja na snagu ove Odluke.

Broj: SD - 23422/18 – 52./2.1.
Sarajevo, 18.09.2018. godine

Predsjednik
Skupštine Društva

Jasmina Pašić

